

故宮博物院藏

四庫全書
撤出本
彙編

第二十冊

故宮博物院編
故宮出版社

第二十册 目錄

南北史合注卷一百三十六—卷一百四十三 一

卷一百三十六 三

卷一百三十七 八三

卷一百三十八 一四三

卷一百三十九 一七九

卷一百四十 二二九

卷一百四十一 二八一

卷一百四十二 三七五

卷一百四十三 四六一

欽定四庫全書

史部
南北史合注卷一百三十八

欽定四庫全書

南北史合注卷一百三十六

明李清撰

北史五十

叱列延慶

孫政
賈顯度弟智

侯淵

侯莫陳悅

賀拔允弟勝弟岳

樊子鵠



列傳第三十八

朱瑞

斛斯椿子微

念賢

梁覽

雷紹

毛遐
弟鴻賓

乙弗朗

朱瑞字元龍代郡桑乾人父惠行太原太守瑞長厚質
直敬愛人士爾朱榮引為太行臺郎中甚見親任以為
黃門侍郎仍中書舍人榮恐朝廷事意有所不知故居
之門下為腹心及北海王顥內逼從孝莊於河陽除侍
中兼吏部尚書瑞雖為榮所委而善處朝廷間帝亦賞

遇之賞謂侍臣曰為人臣須忠寔如朱元龍者朕待之
亦不異餘人瑞以青州樂陵有朱氏欲歸之求為青州
中正又以滄州樂陵亦有朱氏而心好河北遂乞三從
內並屬滄州樂陵郡詔許之仍轉滄州大中正榮死瑞
與爾朱世隆俱北走以帝待之素厚且見世隆等並無
雄才終當敗喪於路乃還帝大悅時爾朱天光擁衆闕
右帝招納之乃以瑞兼尚書左僕射為西道大行臺以
慰勞焉既達長安會爾朱兆入洛復還京師都督斛

卷一百三十六
斯椿先與瑞有隙數譖之世隆

魏書曰世隆性多忌且以前日乖異忿恨

世隆遂誅之太昌初贈開府儀同三司青州刺史謚恭
穆

叱列延慶

內入諸姓有叱羅氏叱奴氏俱見前又有叱利氏孝
文改利氏叱呂氏孝文改呂氏叱門氏孝文改門氏
叱干氏孝文改薛氏叱盧氏孝文改祝氏獨叱列一

姓不見魏書官氏志何也

代西部人世為酋帥延慶娶爾朱世隆姊故被爾朱榮親遇普泰初世隆得志特見委重兼尚書左僕射山東行臺時幽州刺史劉靈助以孝莊遇弑遂學兵唱義世隆白節閔詔延慶與大都督侯淵於定州討之淵以靈助善戰百姓信惑未易可圖欲還師入據關拒嶮以待其變延慶以靈助庸人彼皆恃其妖術坐視符厭寧肯戮力致死宜詭言西歸靈助必信而自寬潛軍往襲可

襲而擒淵從之乃出頓城西聲云將還詰朝造靈助壘
遂破擒之及韓陵戰敗延慶與爾朱仲遠走度石濟仲
遠南竄延慶北降齊神武仍從并州後赴洛孝武以為
中軍大都督帝西遷齊神武誅之

魏書曰延慶以黨于權佞被誅權佞指孝武左右此
魏收黨齊毀魏語北史削之為是

斛斯椿字法壽廣牧富昌人其先世為莫弗大人父足
一名敦孝明時為左牧令時河西賊起牧人不安椿乃

將家投爾朱榮征伐有功稍遷中散大夫署外兵事椿
性佞巧甚得榮心

史糾曰魏收於魏書斯傳曲詆之媚高歡也北史削
去好亂樂禍之辭猶存佞巧反覆等語天下有如是
之人而能辭店受牛留心軍國者耶李氏南北史率
以諸書為藍本史論襲舊不下一意惟於列傳舊文
或芟削或濫存其中玉石自辨

軍事蜜謀頗亦關預孝莊初除榮大將軍府司馬後刺

史東徐州及榮死椿甚憂懼時梁以汝南王悅為魏主
資其士馬次於境上椿遂棄州歸悅悅授尚書左僕射
司空公又為大行臺前驅都督會爾朱兆入洛椿復背
悅歸兆以參立節閔謀拜侍中驃騎大將軍儀同三司
尋加開府時椿父足先在秀容忽傳其死問椿請減已
階增之尋知其父猶存詔復官仍除其父為車騎將軍
揚州刺史椿以兆擅權懼禍乃與賀拔勝俱說爾朱世
隆以正道世隆不悅欲害椿賴爾朱天光救得免及世

隆度律與兆自相疑椿偕和拔勝和之兆執椿勝還營
椿又陳以正理兆謝而遣之椿謂勝曰天下皆怨毒爾
朱吾等附之亡無日矣不如圖之勝曰天光與兆各據
一方今俱擒為難去之不盡必為後患椿曰易致耳乃
說世隆追天光等赴洛討齊神武及韓陵之敗椿為都
督賈顯智等夜於桑下盟約倍道兼行

魏書爾朱世隆傳曰世隆令其外兵參軍陽叔淵單
騎赴北中簡閱敗卒以次納之椿未得入城詭說叔

淵曰天光部下皆西人聞欲掠京邑遷都長安宜先納我為備叔淵信而納之

椿入北京城收爾朱部曲盡殺之令弟元壽與張歡長孫稚顯智等襲世隆彥伯兄弟並斬於閭闔門外椿入洛懸世隆兄弟首於其門樹椿父出見謂曰汝與爾朱約為兄弟今何忍懸其頭於家門寧不愧負天地椿乃傳世隆等首并囚度律天光送齊神武入洛武入洛椿謂勝曰今天下事在吾與君若不先制人將為人所制

高歡初至圖之不難勝曰彼有功於時害之不祥此數
夜與歡同宿具序昔懷曾荷兄恩意多何苦憚之椿乃
止孝武立拜椿侍中儀同開府父足亦加開府子悅太
中大夫同日拜當時榮之椿自以數反覆意常不安

魏書曰齊獻武王入洛頓邛山爾朱仲遠帳下都督
喬寧張子期自滑臺來降王責之曰汝等事仲遠盟
契甚重前仲遠自十搆逆汝為戎首今仲遠走汝復
背之於臣節不忠於事人無信誠犬馬不如遂斬之

椿由是不安

遂密勸孝武置闔內都督部曲又增武直人數百置闔
已下員別數百皆選天下輕剽充之又說帝數出遊幸
號令部曲別為行陣椿自約勒指麾其間從此軍謀朝
政一決於椿又勸帝徵兵詭稱南討將伐齊神武帝從
之

魏書曰帝陳兵城北接邛山南至洛水帝詰旦戎戎
服與椿臨閱獻武王因舉兵向洛名曰誅椿詳見神

武紀

以椿為前驅大都督椿因奏請率精騎二千夜渡河掩其勞弊帝始然之黃門侍郎楊寬說帝曰高歡以臣伐君何所不至今假兵於人恐生他變若渡河有功是滅一高歡復生一高歡矣遂勅椿停行椿歎曰頃熒惑入南斗今上信左右間構不用吾計宣天道乎帝勒兵河橋命椿自洛而東至虎牢帝以賈顯智背叛東師失律將幸關中乃遣使命椿因從入關